

ТОШКЕНТ ҲАҚИҚАТИ

1928 йил 11 декабрда асос солинган

МАТБУОТ – ЖАМОАТЧИЛИК НАЗОРАТИНИНГ ТАЪСИРЧАН ВОСИТАСИ

Рустам Холматов вилоятдаги босма ОАВ раҳбарлари
ҳамда маҳаллий ҳокимликлар матбуот котиблари билан учрашди

Куни кеча вилоят ҳокими шаҳар ва туманлар муассислигидаги газеталар муҳаррирлари ҳамда ҳудудлардаги ахборот хизмати раҳбарлари билан учрашди.

Учрашувда ҳокимлик муассислигидаги нашрларнинг бугунги аҳоли, мавжуд муаммолар, уларни ҳал этиш бўйича қилиниши зарур бўлган юмушлар юзасидан ўзаро фикр алмашилди.

Муҳокама жараёнида ҳудудий нашрларда чуқур таҳлил ва танқидга асосланган материалларни чоп этиш бўйича аҳвол қониқарсиз экани таъкидланди.

Жойлардаги муаммоларни локал доирада ҳал қилишда, жамоатчилик эътиборига ҳавола этишда туман-шаҳар газеталари асосий ёрдамчи куч, – деди вилоят



раҳбари. – Бироқ, амалда бу куннинг таъсири унча сезилмаяпти.

Таъкидланганидек, бугунги кунда Тошкент вилоятида давлат ҳокимияти органлари муассислигида ўзбек, рус ва қозоқ тилларида 24 та газета фаолият юритиб келмоқда.



Жорий йил бошидан буён мазкур даврий нашрларда 75 та танқидий материал эълон қилинган.

Вилоят ҳокими ҳудудий нашрларнинг ҳозирги даврдаги бош вазифаси – тадбиркорларга ҳалал бераётган турли иллатлар, бюрократик тўсиқлар

(Давоми 3-саҳифада)

ХАЛҚ ДЕПУТАТЛАРИ ТОШКЕНТ ТУМАНИ КЕНГАШИНИНГ СЕССИЯСИ

Халқ депутатлари Тошкент тумани Кенгашининг навбатдан ташқари сессияси бўлиб ўтди.

Чуқур таҳлил ва ўз-ўзини танқид руҳида ўтган сессияда ташкилий масала кўрилди. Шу пайтгача туман ҳокими вазифасида ишлаб келган Сулаймонов Акбар Асқарович ўз вазифасидан озод этилди.

Тошкент вилояти ҳокимининг саноатни ривожлантириш, иқтисодий ва тадбиркорлик масалалари бўйича биринчи ўринбосари лавозимида фаолият юритиб келаётган Рустамов Одилхон Боқиевич Тошкент тумани ҳокими вазифасини бажарувчи этиб тайинланди.

ХАЛҚ ДЕПУТАТЛАРИ ЧИРЧИҚ ШАҲАР КЕНГАШИНИНГ СЕССИЯСИ

Халқ депутатлари Чирчиқ шаҳар Кенгашининг навбатдан ташқари сессияси бўлиб ўтди.

Танқидий-таҳлилий руҳида ўтган сессияда ташкилий масала кўрилди. Шу вақтга қадар шаҳар ҳокими вазифасида ишлаб келган Рашидов Қаҳрамон Ботирович эгаллаб турган лавозимидан озод этилди.

Тошкент вилояти ҳокимининг капитал қурилиш ва коммуникациялар масалалари бўйича ўринбосари лавозимида ишлаб келаётган Юсупов Санжар Миртоирович Чирчиқ шаҳар ҳокими вазифасини бажарувчи этиб тайинланди.

СУД ҲОКИМИЯТИНИНГ ТОМ МАЪНОДАГИ МУСТАҚИЛЛИГИ ВА ХОЛИСЛИГИГА ЭРИШИШ БАРЧАМИЗНИНГ МУҲИМ ВАЗИФАМИЗДИР

Убайдулла МИНГБОЕВ,
Ўзбекистон Республикаси
Судьялар олий кенгаши раиси,
Ўзбекистонда хизмат кўрсатган юрист



Азиз газетхонлар! Сизларга айтмоқчи бўлган қуйидаги фикр-мулоҳазаларимни анчадан буён ўйлаб, мушоҳада қилиб юрган эдим. Муҳтарам Президентимиз Шавкат Миромонович Мирзиёевнинг 2020 йил 24 январда Олий Мажлисга тақдим этган тарихий Мурожаатномаси катта туртки бўлиб, қўлимга қалам тутдим.

Нима учун ушбу Мурожаатномани тарихий деб атаяпман?! Тарихий деб аташимизга тўлиқ асослар бор. Нега деганда, давлатимиз раҳбари томонидан мамлакатимизни ривожлантириш билан боғлиқ илгари сурилган том маъ-

нодаги юксак ташаббус ва гоьлар тарихий нуқтаи назардан ниҳоятда муҳим аҳамият касб этади. Давлатимиз раҳбари ўзининг дастурий маърузаларида, кенг жамоатчилик вакиллари билан учрашув ва мулоқотларда,

оммавий ахборот воситалари орқали чиқишларида жамият ва давлат ҳаётида АДОЛАТни қарор топтириш энг асосий вазифа эканлигини бот-бот тақдорлайдилар.

(Давоми 2-саҳифада)

«Тошкент ҳақиқати» таништиради

Нурафшон шаҳрида бўлиб ўтган фаоллар йиғилишида вилоят ҳокимининг янги ўринбосарлари жамоатчиликка таништирилди. Вилоят ҳокимининг тегишли қарорларига асосан қуйидагилар вилоят ҳокимининг биринчи ўринбосари ва ўринбосарлари лавозимига тайинланди.



Муллаханов Баҳодирбек Муллахонович — Тошкент вилояти ҳокимининг саноатни ривожлантириш, иқтисодий ва тадбиркорлик масалалари бўйича биринчи ўринбосари;



Илҳомбой Худойбергенов — вилоят ҳокимининг ўринбосари — Тошкент вилояти Маҳалла ва оилани қўллаб-қувватлаш бошқармаси бошлиғи;



Ҳакимов Шухрат Жўрабович — Тошкент вилояти ҳокимининг капитал қурилиш ва коммуникация масалалари бўйича ўринбосари.

ХАБАРИНГИЗ БОРМИ?

Тошкент вилояти ҳокими, сенатор Рустам Холматовнинг ижтимоий тармоқларда расмий саҳифалари очилди. Сиз бу ерда ҳокимнинг кундалик иш фаолияти, учрашув ва мулоқотлари ҳақида ўқиб боришингиз, бевосита мурожаат йўллашингиз мумкин.

Телеграмда:
t.me/Toshkent_viloyati_hokimi

Фейсбук тармоғида:
<http://fb.me/toshvilhokim>

Тадбиркорлик:

Қайта ишлангани – хазина

К. САЛОМОВА,
«Тошкент ҳақиқати» мухбири

Зангиота туманидаги «Чинор» маҳалласи ҳудудида фаолият юритаётган «Melek Best Milk Agro» масъулияти чекланган жамиятида ҳозирги кунда 60 турдан зиёд юқори сифатли сут маҳсулотлари ишлаб чиқарилмоқда.



Фаолиятини бошлаганига бир йил бўлганига қарамай, пухта ўйланган режа ва кластер услубида иш юритиши ҳисобига корхона бозорда ўз ўрнини топа олди.

– Корхонамиз кунига 100 тонна сутни қайта ишлаш қувватига эга, – дейди масъулияти чекланган жамият директори Ботирбек Усмонов.

– Бугунги кунда 10 турдаги 60 дан ортиқ сут маҳсулотлари ишлаб чиқараяпмиз. Йогурд, қатиқ, қаймоқ, маргарин, сариёғ, пишлоқнинг турли хиллари шулар жумласидан. Тез орада қуълтирилган сут, майонез ва кетчуп ишлаб чиқаришни йўлга қўямиз. Маҳсулотларимизнинг барчаси табиий тоза сугдан тайёрланади. Албатта,

брендимиз кўйилган маҳсулотларни қадоқлашга ҳам жиддий қараймиз. 80 дан зиёд мутахассислар турли цехларда иш жараёнини кузатиб туришади.

Ҳозирда корхона тасарруфидоги фермада Голландиядан келтирилган мингдан ортиқ сизирлар бор.

Дарҳақиқат, корхона раҳбарияти сизирлар учун озуқа етиштирувчи ер майдонлари, сўнги русумдаги сут ташувчи машиналар, хом ашё ва тайёр маҳсулот сифатини аниқлаб берувчи мукамал лабораторияга эга ўзига хос кластер яратилган эришишган. Режага кўра, келгусида гўштни қайта ишловчи, шунингдек, кичик ёшдаги болалар учун мева ва қиём қўшилган турли пюрелар тайёрлаш цехлари лойиҳалаштирилмоқда.

Рашид ГАЛИЕВ олган
суратлар

Мурожаатлар @haqiqatonline назоратида

«ОБОД» сўзи киноями, Ё БИЗГА ШУ КИФОЯМИ?»



«Мозийга қайтиб иш кўриш хайрлик, дейдилар. Шунга кўра мавзуни мозийдан, яқин ўткан кунлардан...» белгиладик!

Бир неча кун аввал телеграм каналимизга Ўрта Чирчиқ тумани «Янгиобод» ва «Бойовул» маҳаллаларидан мурожаат келиб тушди. Эътиборга молик жиҳати шундаки, бундан 6 ой муқаддам айнан шу муаммо юзасидан ўрганиш олиб борилиб, газетамизнинг 2019 йилги 51-сонида «ОБОД» СЎЗИ КИНОЯМИ, Ё БИЗГА ШУ КИФОЯМИ?» номли мақола чоп этилганди. Мутасаддилардан ижобий натижа кутилди. Билъакс, улар «Янгиобод»ни обод қилишга шошилмаяптилар. Биз бўлсак, ўз вазифамизни унутмаган ҳолда яна бир бор давлат ва ундаги барча ташкилотлар, ҳокимликлар халқ учун хизмат қилиши кераклигини ёдга солмоқчимиз.



Мадина АБДУСАМАТОВА,
Мансур ҲИММАТОВ (суратлар)
«Тошкент ҳақиқати» мухбирлари

Ҳар ерда испохот, ҳар қадамда янгилиниш. Шаҳару қишлоқларимиз кундан кун чирой очиб бормоқда. Сув етмас жойлардан боғ яратишга қодиримиз, аммо... Ўрта Чирчиқ туманида ёзда чанг, қишда лойга ботиб юрадиган, кунига 2 соатгина ичимлик сувига ёлчидиган, тунлари юк машиналарининг овозидан уйғониблар кетадиган, болалари боғча йўқлигидан қудуқлар атрофида ўрмаллашиб юрадиган, мактаб ўқувчилари спорт зали кўрмаган, мурожаат қилишдан фойда йўқлигини онгининг туб-тубига синдириб олган аҳоли яшамоқда. Маҳаллаларга кунлик сафаримиз шун-

дай хулоса бердики, қачонлардир ватан ичра ватанининг обод бўлишига уларда ишонч қолмади. Кичиккина бинога кенг бағри билан сиғишиб ўтирган «Янгиобод» ва «Бойовул» маҳаллалари раисларининг нигоҳи, сўзларидан ҳам бунга англаш мушкул эмас. Улар аввал ҳам матбуотда муаммолар олиб чиқилганию ҳеч бир натижа бўлмаганини эслатиб қўйди. Билмайдиларки, матбуот уларга боғча қуриб, йўлни тўғрилатиб беролмайди. У фақатгина маҳаллий ижро органи деб аталмиш машинани тўхтатиб, «Ҳой, қара, бу ёқда одамлар қийналмоқда, сендан ёрдам сўрашяпти», дейишгагина ваколатли...

СУД ҲОКИМИЯТИНИНГ ТОМ МАЪНОДАГИ МУСТАҚИЛЛИГИ ВА ХОЛИСЛИГИГА ЭРИШИШ БАРЧАМИЗНИНГ МУҲИМ ВАЗИФАМИЗДИР

(Бошланиши 1-саҳифада)

Айниқса, муҳтарам Президентимиз суд тизими, унинг мустақиллигини амалда таъминлаш ҳақида гапирганларида адолат тушунчаси, унинг халқимиз ҳаётида нақадар муҳим аҳамият касб этишини ҳижжалаб тушутиради. Бу бежиз эмас, албатта. Сабаби, ҳуқуқий демократик давлат ва очиқ, эркин фуқаролик жамияти шароитида адолатни қарор топтириш суд ҳокимияти орқали амалга оширилади. Мурожатномада Президентимиз бу борада алоҳида тўхталиб, қуйидаги фикрларини айтиб ўтдилар:

“Суд остонасига қадам қўйган ҳар бир инсон, Ўзбекистонда адолат ҳукми сураётганига тўла ишонч ҳосил қилиши керак. Акс ҳолда, буюк немиш файласуфи Иммануил Кант айтганидек, “Адолат йўқорган пайтда, ҳаётнинг қадрини белгилайдиган бошқа ҳеч нарса қолмайди”. Бу ҳақиқатни ҳеч қачон унутмаслигимиз керак. Ўзбекистонда судьялар қонунларнинг толмас ҳимоячилари, адолатнинг мустақкам устунлари бўлиши лозим”.

Суд тизимида қарийб 54 йилдан буён ишлаб келаётган судья, қолаверса, судьялар ҳамжамиятининг олий органи бўлган Судьялар олий кенгаши раҳбари сифатида Президентимизнинг ушбу фикрлари менга жуда катта масъулият юқлади, мамлакатимиздаги барча судьялар ва суд тизими ходимлари олдида залворли вазифалар қўйди.

Шуни унутмаслик керакки, адолатни қарор топтиришда суд ҳокимияти мустақил ва холис бўлиши шарт. Ўзбекистон Республикаси Конституциясининг 106-моддасида “Ўзбекистон Республикасида суд ҳокимияти қонун чиқарувчи ва ижро этувчи ҳокимиятлардан, сиёсий партиялардан, бошқа жамоат бирлашмаларидан мустақил ҳолда иш юритиши”, 112-моддасида эса, “судьянинг мустақиллиги, фақат қонунга бўйсунуши, судьяларнинг одил судловни амалга ошириш борасидаги фаолиятига бирон-бир тарзда аралашушга йўл қўйилмаслиги ва бундай аралашуш қонунга мувофиқ жавобгарликка сабаб бўлиши” билан боғлиқ деган конституциявий қоида белгиланган.

Бугунги кунда ушбу Конституциявий меъёрларнинг ижроси қандай таъминланяпти, деган

ҳақиқат савол туғилади. Эътироф этиш керак, сўнгги уч йилда суд тизимининг шиддат билан демократик тарзда янгиланиши Ўзбекистондаги суд ҳокимияти ривожланишининг том маънода янги даврини бошлаб берди. Соҳада амалга оширилган тизимли ислохотлар натижасида суд ҳокимиятининг чинакам мустақиллигини таъминлаш, фуқароларнинг ҳуқуқ ва эркинликларини ишончли ҳимояси кафолатларини кучайтириш ва одил судловга эришиш даражаси ошди. Утган қисқа давр ичида замонавий концепцияга асосланган мутлақо янги ягона суд тизими яратилди. Шу тариқа суд ҳокимияти мустақиллигининг конституциявий принципини амалда таъминлаш имконияти вужудга келди.

Шуни ҳам айтишим керакки, мен бир амалиётчи-ҳуқуқшунос сифатида бунга тўла рия қилинган деб айтмаман. Шунба-сиз, барчамиз Конституция ва қонунларимиз талабидан келиб чиқиб, суднинг мустақил ва холис бўлишини истаймиз. Судья дахлсиз, давлат муҳофазасида эканлигини биламиз. Аммо айрим шахслар, айниқса, мансабдорлар ҳар қандай ҳолатда ҳам суд қарори ўзларининг манфаатига мос бўлишини жуда хоҳлайдилар. Агар суд қароридан ўша мансабдор шахснинг чиқарган қарори ёки унинг қонунбузарлик ҳатти-ҳаракатларига қонуний баҳо берилиб, манфаатига қарши қарор чиқарилса, ўз мавқелидан фойдаланиб, қандайдир йўллар билан судьяга таъсир ўтказмоқчи бўладилар. Бундайларни ҳуқуқий демократик давлат ва эркин фуқаролик жамияти барпо этилаётган янги Ўзбекистоннинг мансабдор шахси деб бўладими? Ёки судьяларнинг айрим мансабдор шахслар томонидан ўзларининг фуқароларни қабул қилиш вақтларида жалб этилиши, натижада уларни асосий ишларидан қолдирилиш ҳолатларига нима дейиш мумкин?

Ҳозирги вақтда судларга келиб тушган барча ишлар компьютер дастурлари орқали судьяларга, шу жумладан, суд раисларига ҳам баробар тақсимланади. Энди ўйлаб кўрин, суд раиси ҳар куни иш кўриши керак, ишлар тайинланиб, фуқаролар (жабрланувчи, судланувчи, гувоҳлар ва бошқа тарафлар) судга чақирилган бўлади. Шундай бир ҳолатда ишни кейинга қолдириб, судья бошқа ишларга жалб қилинса, уларга нисбатан аҳолида ишонч йўқолмайдими? Минг афсуски, суд соҳасида бундай ҳолатлар ҳам учраб туради. Бу эса баъзи бир фуқароларнинг ҳақиқат эътирозларига сабаб бўлмоқда. Амалиётда суд ишларига ара-

лашиш, судьяларни уларга таллуқли бўлмаган ишларга жалб этиш, бир сўз билан айтганда, унинг мустақиллигига дахл қилладиган ҳар қандай тўсиқларга чек қўйиш жуда муҳим масала. Президентимиз Конституциямиз қабул қилинганлигининг 27 йиллигига бағишланган анжумандаги маърузасида ва Олий Мажлисга йўллаган Мурожатномасида бу ҳақда тўхталиб, қуйидаги қатъий талабни қўйди:

“Давлат идоралари мансабдорлари шуни чуқур англаб олсинлар: судлар мустақиллигини таъминлаш масаласи бундан буён ҳам шахсан Президентнинг қаттиқ назоратида бўлади”. “Судларнинг чинакам мустақиллигини таъминлаш биз учун устувор вазифа, суд бирон-бир мансабдор шахснинг қўли етадиган идорага айрилиб қолишига мутлақо йўл қўймаслик шарт, суд ишларига аралашган ёки унга қандай шаклда бўлмасин босим ўтказгани учун жавобгарликни кучайтириш лозим”.

Ўйлайманки, энди ўзини ҳурмат қилган ҳар бир мансабдор шахс, у қайси лавозимда ишлашадан қатъий назар, муҳтарам Президентимизнинг гапларидан тегишли хулоса чиқариши, қонун ва суд олдида барчанинг тенглигини эътиборга олган ҳолда суднинг мустақил ва холислигини таъминлаш ҳамда Конституциявий бурчларига оғишмай амал қилиши зарур. Судга ва судьяларга нисбатан бошқача муносабатда бўлиш ҳам мумкин эмас.

Шу ўринда яна бир жиддий масала бўйича фикр-мулоҳазаларимни билдирмоқчиман. Конституциямизда фуқаролар ўз ҳуқуқ ва эркинликларини амалга оширишда бошқа шахсларнинг, давлат ва жамиятнинг қонуний манфаатлари, ҳуқуқлари ва эркинликларига путур етказмасликлари, Конституция ва қонун талабларига риязатишлари, бошқа кишиларнинг ҳуқуқлари ва эркинликлари, шаъни ва қадр-қимматини ҳурмат қилишлари шартлиги белгиланган.

Ҳар биримиз ижтимоий ҳаётда ушбу Конституциявий мажбурият ва бурчларимизга тўла амал қилаёلمизми, деб ўзимизга савол беришимиз керак деб ҳисоблайман. Айрим фуқароларимиз ўз ҳақ-ҳуқуқларини талаб қилишда бузилган ҳуқуқларини ҳимоялашда қонун талабларига рияз-

қилмасдан, айниқса, суд қарорларидан норози бўлганларида қонунларимиз талабига ва уларга берилган ҳуқуқлардан фойдаланиб, белгиланган тартибда юқори босқич судларига мурожаат қилганларида ҳаддан ташқари ҳис-ҳаяжонга берилиб, оғзи келган гапларни гапириб, беҳаёлик билан ўз мақсадларига етмоқчи бўлади, бу йўлда ҳатто бошқа шахсларни давлат хизматчиси ёки мансабдор шахсларни ҳақоратлаб, обрўсизлантиришга ҳаракат қилади. Шундайларни кўриб, уларнинг халқимизга хос бўлган юқори маданият, юксак маънавият ва одоб-ахлоқдан қанчалик йироқлашиб кетганига афсус қиласан киши. Ҳар қандай ҳақ-ҳуқуқларимизни оғир-босқич билан, қонунларимиз талабидан келиб чиққан ҳолда тегишлилигига қараб мурожаат қилиш йўли билан ҳал этсак, мақсадга мувофиқ бўлади. Бугунги очиллик ва эркин замонда ҳуқуқий маданиятимиз ҳам шунга яраша юксак бўлиши лозим ва бунга эришиш тегишли давлат органлари ва кенг жамоатчилик олдида турган долзарб масалалардан биридир.

Мамлакатимиз фуқаролари бугун қонун ва қонуности ҳужжатлари билан танишиш ва улардан фойдаланиш бўйича ҳар қачонгидан ҳам кўпроқ имкониятга эга. Нега энди биз мавжуд қонун, қои-

“ёрдам бердим” деб алдаётганига наҳотки ақлингиз етмайди.

Келинлар, ўз ҳақ-ҳуқуқларимизни бақир-чақирсиз, кимларгадир алданиб унга манфаат келтиришдан тийилиб, қонун доирасида қилайлик ва ўзимизнинг ҳуқуқий маданиятимизни, маърифатимизни намойён этиб, қонун талабларига риязатиш йўлини ўрганайлик.

Шу ўринда алоҳида таъкидлаш жоизки, 2020 йил — Президентимиз томонидан “Илм, маърифат ва рақамли иқтисодиётни ривожлантириш йили” деб эълон қилиниши айни муддао бўлди. Гап шундаки, юқорида келтириб ўтилган, халқимиз орасида учраб турган баъзи бир салбий ёндашувлар илм-маърифатдан узоқ одамларга хосдир. Шу маънода ҳам Президентимизнинг илм, маърифатни ривожлантиришга алоҳида эътибор қаратганлиги жуда муҳим аҳамият касб этади.

Мурожаатнома гояларидан келиб чиқиб, унинг ижросини таъминлашдаги Давлат дастурида 2020 йилда барча соҳа раҳбарлари олдида, ўтган йилга нисбатан ҳам ишчанлик, фидойилик ва ҳалоллик билан халқимиз манфаати ва фаровонлиги йўлида виждонан ишлаш вазифаси қатъий қилиб қўйилди. Бу масалада айниқса, ҳуқуқни муҳофазаси қилувчи органлар ўз иш фаолиятларини маданиятли тарзда, фақатгина қонунга бўйсунган ҳолда олиб боришда ўта чуқур савияга эга бўлган кадрларни тайёрлаш ва мажбурият доирасида тайинлаш; уларни хушмуомала бўлишларини талаб даражасига етказиш; қонунни бузган ходимларга нисбатан тегишли қонун талабларига мувофиқ зудлик билан чора кўриш; ходимни, фуқаролар билан мулоқотда бўлганларида процессуал қонун талабларига асосан муомалада бўлишини қатъий назорат қилиш ҳар бир идора раҳбарининг Конституциявий бурчи эканлигини унутмаслик; тергов органлари томонидан ҳақиқатни аниқлашда қўполлик, қўрқитиш, алдаш каби ҳаракатларга муросасиз бўлиши, ғайриқонуний усуллари қўлланган ходимни ишдан четлатириш ва тегишли жавобгарликка тортишгача чора кўриш, ҳар бир раҳбарнинг вазифаси бўлиб қолиши керак бўлади.

Қонун устуворлигини таъминлаш ва адолатни қарор топтиришда судларнинг ўрни алоҳида аҳамият касб этади. Суд Ўзбекистон давлати номидан қарор қабул қилади. Шундай экан у қуйидаги талабларга қатъий амал қилиши шарт:

судья, судьялик мақомига мос киши бўлиб шаклланиши учун янада батафсилроқ, қонунларда


ёзилмаган, аммо амал қилиши лозим бўлган инсонийлик фазилатларга ҳам қатъий риязатиш зарур;

судья қандай масалани ҳал қилишидан қатъий назар ҳалоллик, холислик ва қонун устуворлигини таъминлашда адолатли бўлиши ўзига шиор қилиб олиши лозим. Бунинг учун ўз касбининг билим-донини, ҳаётини тажрибасига эга бўлган, ҳар томонлама етук, савияси баланд ва ҳуқуқий маданиятли шахс бўлиши керак.

Ана шу хислатларни судья ўзидан қидириши, шакллантириши, унга қатъий итоат этиши зарур. Судьялик касбига асло доғ туширмаслик лозим. Бунинг учун аввало судьядан сабр-бардош, шукроналик, ҳақиқий меҳнат ҳисобидан оладиган иш ҳақи эвазига яшашни ўрганиши, бу масалада барча оила аъзолари билан ҳамфикр бўлишлари талаб этилади. У ўз устида тинмай ишлаш, кўп ўқиш, изланиш, фикр юритиш ҳар қилган ишни режалаштириш, уни бажарилишини таъминлашда, ишнинг кўзини билиб ишлашга эришиш лозим. Судьялик касбиди ишчанлик, ҳушёрлик, ҳаёт тажрибасини мукамал эгаллаган, тинимсиз ҳаракат, машаққатли меҳнат ва етти ўлчаб, бир кешш мақолига амал қилиш одат тусига айланмоғи зарур. Судьялар Президент ва халқнинг ишончига сазовор бўлишлари учун тегишли қонунларда кўрсатилган ваколати ва мажбурият доирасида, масъулиятни чуқур ҳис қилган ҳолда ўз фаолиятини самимият билан бегарз бажариши керак.

Ҳар қандай ҳолатда ва шароитда ҳам ўз касб маданияти ва одобига риязатиш ҳар бир судья учун ҳам қарз, ҳам фарз бўлиб қолиши шарт. Президентимиз таъбири билан айтганда, “Судьянинг онгида — адолат, тилида — ҳақиқат, дилида — поклик устувор бўлиши лозим”.

Нега деганда, иши судга тушган ҳар қандай шахс судьядан фақат ҳақиқат ва адолат кутади. Шунинг учун судья ўз иш фаолиятида эътиборсизликка ёки таваккалчиликка йўл қўйиши асло мумкин эмас. Судда ишларни кўришда холислик принципига амал қилиш судьянинг қонуний бурчи ҳисобланади. Қайси ишда холислик бўлмаса, ўша иш адолатли ҳал этилмайди. Бунинг учун судья камтарин, меҳр-шафқатли, инсонпарвар ва мукамал ҳуқуқий маданият эгаси бўлиши талаб этилади. Меҳр-шафқат бўлмаган жойда адолат ҳам бўлмайди.



Халқ депутатлари Тошкент вилояти Кенгашига сайлов ўтказувчи

вилоят сайлов комиссиясининг

ҚАРОРИ

Халқ депутатлари Тошкент вилояти Кенгаши 14-Бекобод сайлов округи депутатлигига номзодларни рўйхатга олиш тўғрисида

Тадбиркорлар ва ишбилармонлар ҳаракати – Ўзбекистон Либерал демократик партияси, Ўзбекистон “Адолат” социал-демократик партияси, Ўзбекистон “Миллий тикланиш” демократик партияси, Ўзбекистон Халқ демократик

партияси ва Ўзбекистон Экологик партияси вилоят (туман/шаҳар) кенгашлари томонидан Халқ депутатлари Тошкент вилояти Кенгаши депутатлигига номзодларни рўйхатга олиш учун тақдим этилган ҳужжатларни кўриб чиқиб,

Ўзбекистон Республикаси Сайлов кодексининг 20, 90, 91, 92, 93-моддаларига мувофиқ, Халқ депутатлари Тошкент вилояти Кенгашига сайлов ўтказувчи Тошкент вилояти сайлов комиссияси

ҚАРОР ҚИЛАДИ:

1. Халқ депутатлари Тошкент вилояти Кенгаши 14-Бекобод сайлов округи депутатлигига номзодлар эти куйидагилар рўйхатга олинсин:

14-“Бекобод” сайлов округи					
Дутураев Мухамабнаби	1956 йил	“Адолат” СДП	Ўзбекистон “Адолат” СДП Тошкент вилояти Бекобод тумани кенгаши раиси	Тошкент вилояти, Бекобод тумани	“Адолат” СДП
Пирмухамедов Улугбек Ботирович	1987 йил	Экологик партия	Ўзбекистон Экологик ҳаракати Тошкент вилояти кенгаши Ижроия қўмитаси раиси ўринбосари	Тошкент шаҳри, М. Улугбек тумани	Экологик партия
Саидов Тохир Тўланбаевич	1981 йил	ЎзЛиДеП	“Юксалиш” умуммиллий ҳаракатининг Тошкент вилоятидаги ҳудудий бўлинимаси раҳбари	Тошкент вилояти, Зангиота тумани	ЎзЛиДеП
Сотибалдиева Нодирахон Солиевна	1969 йил	ХДП	Бекобод тумани “Оила” маркази раҳбари	Тошкент вилояти, Бекобод тумани	ХДП
Умаралиев Камалитдин Абдуғафурович	1987 йил	МТДП	Тошкент вилояти, Бекобод тумани “Зафарқасаначилик” шўъба корхонасида хизмат кўрсатувчи тадбиркор	Тошкент вилояти, Бекобод тумани	МТДП

2. Тошкент вилояти сайлов комиссияси котиби Д. Шоисманов Халқ депутатлари Тошкент вилояти

Кенгаши депутатлигига номзодлар рўйхатга олинганлиги тўғрисидаги қарорни маҳаллий матбуотда

қонунда белгиланган муддатда эълон қилинишини таъминласин.

Комиссия раиси **Ж. НАСРИДИНОВ**

Нурафшон шаҳри, 2020 йил 19 февраль

Музаффар ҲОЖИЕВ,
“Ватанпарвар” ташкилоти вилоят кенгаши раиси ўринбосари

Давлатимиз раҳбарининг 2018 йил 12 декабрдаги “Ёшларни ватанпарварлик руҳида ва жисмоний тарбиялаш ҳамда чақирилувчиларни ҳарбий-техник мутахассисликлар бўйича тайёрлаш тартибини тақомиллаштириш бўйича қўшимча чора-тадбирлар тўғрисида”ги Қароридан белгиланган вазифалар ижросини таъминлаш мақсадида Ўзбекистон мудофасига қўмаклашувчи “Ватанпарвар” ташкилоти ташаббуси билан “Биз ватанпарварлармиз!” шиори остида маънавий-маърифий, спорт ва маданий тарғибот фестивали ўтказилди.



ЮРТГА СОДИҚЛИК САБОҚЛАРИ

Спортнинг техник ва амалий турларини ривожлантириш орқали ёшлар ўртасида соғлом турмуш тарзини тарғиб этиш ҳамда ташкилотнинг асосий фаолият турларидан бўлган автототранспорт ҳайдовчиларини тайёрлаш борасидаги ишларни яхшилаш мақсадида ташкил этилган тадбирни Тошкент Ҳарбий округи фахрийлар кенгаши, Ўзбекистон ёшлар иттифоқи вилоят кенгаши, Чирчиқ шаҳар халқ таълими бўлими ҳамда Чирчиқ давлат педагогика институти ҳамкорликда ўтказди.

Мазкур фестивалда “Ватанпарвар” ташкилоти вилоят кенгаши тасарруфидаги ташкилотларнинг ўқув автомобиллари қарвони шаҳар кўчалари бўйлаб “Биз — ватанпарварлармиз!” деган ёзувлар илминган ҳолда ҳаракатланди. Йўл четида эса шаҳар мактаблари ва касб-ҳунар коллежлари ўқувчилари ҳамда маҳаллалардаги уюшмаган ёшларга Чирчиқ давлат педагогика институти қошидаги академик лицейнинг махсус ҳарбий гуруҳи ўқувчилари қўл жанги санъати машқларини намойиш этишди.

Шунингдек, фестиваль иштирокчилари Чирчиқ автомобиль мактабда ўтказилган “Ўқ отиш” спорт тури бўйича вилоят кубоги мусобақаларини томоша қилишди.

МАТБУОТ – ЖАМОАТЧИЛИК НАЗОРАТИНИНГ ТАЪСИРЧАН ВОСИТАСИ



(Бошланиши 1-саҳифада)

– Айна дамда вилоятимизга матбуотнинг ёрдами ҳар қачонгидан ҳам муҳим. Халқимизни тadbиркор қилиш, хусусий секторни ривожлантириш ишига сизлар ёрдам бермасангиз, чуқур таҳлилий мақолалар ёзиб, одамларга иқтисодийнинг реал секторидаги ўзгаришлар, қабул қилинаётган қонун ва қарорлар моҳиятини шарҳлаб бормасангиз, умумий ишимизда олға силжиш бўлиши қийин, – деди Рустам Холматов. – Шунингдек, вилоят, шаҳар ва туман газеталарида, унинг ижтимоий тармоқлардаги саҳифаларида эълон қилинаётган танқидий материалларга ҳудудий ахборот хизмати раҳбарлари зудлик билан жавоб бериши, ҳокимлик позициясини билдириши керак. Шундагина раҳбарлар хушёр тортади, ноқонуний ҳужжатга қўл қўйишдан аввал "газетага мени уриб чиқишди", деган ҳадик пайдо бўлади.

Йигилишда бугунги кунда жуда кам тиражда чиқаётган газеталарни муассислар, томонидан қўллаб-қувватлаш бўйича фикрлар алмашилди. Шунингдек, туман ва шаҳарлар ҳокимларининг матбуот котиби – ахборот сиёсати масалалари бўйича маслаҳатчилари олдида турган долзарб вазифалар хусусида сўз борди.

Таъкидлаш жоизки, бугунги кунга келиб ҳудудларда ахборот хизматлари тўлиқ шаклланди. Бироқ, маош

масаласи ва бошқа шарт-шароитлар, техника билан таъминланиш бўйича айрим жойларда муаммолар мавжуд.

Жумладан, Бўка, Зангиота, Паркент, Тошкент туманлари ҳокимликлари ахборот хизмати раҳбарлари шу вақтга қадар ойлик маошсиз фаолият юритиб келаётгани танқид қилинди. Бундан ташқари, Оҳангарон шаҳри, Зангиота, Янгийўл туманлари ҳокимликларига матбуот котиби учун алоҳида хизмат хонаси ажратиш ва зарур моддий-техник жиҳозлар билан таъминлаш ишларини якунига етказиш бўйича аниқ мuddат белгиланди.

Учрашув якунида вилоят ҳокими журналистлар ва ахборот хизмати соҳаси вакиллари фаолиятига баҳо берадиган рейтинг тизимини жорий этиш таклифини берди. Рейтинг юриштининг аниқ критерийлари, тартиб-таомилларини пишиқ-пухта ишлаб чиқишда устоз журналистлар, экспертларни жалб этиш тавсия қилинди.

Мансур ҲИММАТОВ олган суратлар

Журналистни чекка-чекка ҳудудлар, гоҳо марказдаги муаммолар сари, оддий одамларни қийнаб келаётган масалалар томон, ҳақиқат, адолат тарафга олиб борувчи оёқлари боқади. Вале бугунги журналистнинг негадир юргиси йўқ. Қорни оч бўлсада, бир одим ҳам жилгиси келмайди. Айниқса, газетачининг...



савз мақолалар... Одамнинг ўқигиси келмайди. Шахсан мен бунақа газетага обуна бўлмасдим. Бўлмайман ҳам. Ундан кўра тўрт ойда бир келса ҳам, пича қиммат бўлса ҳам «Маънавий ҳаёт» журналига обуна бўлганим маъқул. Ёши улуг матбуотчи устозларимнинг

Ўзбекистон журналистика ва оммавий коммуникациялар университети ректори Шерзод Қудратхўжаев бир чиқишида деди: «Тўғри сўзни журналист айтмагани учун, блогсфера юзага келди». Бу фикр қарама-қарши баҳсларга сабаб бўлди. Тўғри, очиклик шарофатидан блогерлар кўпроқ ва тўғри фойдалана

ҲОКИМГА АЙТОЛМАГАН ГАПЛАРИМ

Рустам Холматовнинг вилоят журналистлари билан учрашувидан кейин туғилган мулоҳазалар

билишди. Бироқ, айрим ҳолларда блогерларда профессионализмнинг йўқлиги панд берди.

Бугун Сиз, вилоят ҳокими билан кўришув бўлишини эшитиб, шу издиҳомга ошиққаным рост. Самарқанд вилояти ҳокими Турдимовнинг бултур кузда матбуотчилар билан учрашувини ўқиб, «Тўғрисўз, ҳақиқий раҳбар шундай бўладида...» дегандим.

айтишича, собиқ тузум пайти газеталар раҳбарлар ўқиши учунгина босилган экан. Табиийки, ҳар қайси раҳбарга аччиқ, аммо очик гап ёқавермайди. Бироқ, тузум ўзгарди, давр ўзгарди, раҳбарлар ўзгарди, лекин тўрт тарафдан эски қоқиққа ўралиб олган кадрларда ўзгариш бўлмапти. Бошқачасига айтганда, айрим матбуотчилар ўзгармапти. Матбуотчи ўзгармагунча, матбуот ўзгармаслигини тушунишмапти ҳам.

Маҳмуд Саъдий бир суҳбатда аслида журналист қандай бўлиши ҳақида гапирганиди. Шу кундан бошлаб, «Мен – журналистман!» дейишга ийманиб қолдим. Чунки, энг аввало, биз шу номга лойиқ бўлишимиз керак эканлигини тушуниб етдим...

раҳбарнинг тахририят оstonасидан ҳатлаганини кўрмаганман. Сиздан миннатдорлигимнинг энг катта сабаби – жамиятда матбуотчилар ҳам борлиги, уларга ҳам эътибор кераклигига диққат қилганингизда. Ҳар ҳолда на Матбуот ва оммавий ахборот воситалари ходимлари кунда, на бошқа тadbирда йўқланмаган туман матбуоти ходимлари учун бу дийдор соатлари ўзгача кечди. Кунни кеча «Машъал» газетасининг илк сони босмадан чиққанига 88 йил тўлди. 88 йил айтишга осон... Газетанинг туғилган кунини бўлди 17 февралда. Биров ҳай, демади-я...

Учрашувдаги бир фикрингиз миямга ёй ўқидек қадалиб қолди: Матбуот 180 градусга ўзгариши керак!

Матбуот ўзгариши учун ундаги кадрлар қони ҳам янгилашни лозим бўлади. Матбуотчи ўзгарса, газета ўзгаради, жамият, вилоятдаги муҳит ўзгаради. Қаранг, буларнинг бир-бирига боғлиқлигини. Насиб қилса, келаси ой такрор кўришамиз, олдимиздаги вазифаларни такрор таҳлил қиламиз. Кейинги учрашувда фақат муҳаррирлар эмас, газеталарда меҳнат қилаётган барча ходимлар ҳозир бўлишса, айни муддао бўларди. Зотан, агар биз ўзгармасак, матбуотни, шу маънода, жамиятни, одамлар дунёқарашини ўзгартирмасак, касбимизни ўзгартирганимиз энг мақбул йўл бўлади. Кўришгунча омон бўлинг, деб.

Отабек ИСРОИЛОВ,
«Машъал» газетаси муҳбири,
Ўзбекистон журналистика ва оммавий коммуникациялар университети талабаси



Биласизми, баъзан қўлимга шундай варақлар келиб қоладики, ушлаб туриб, «Шунга сарф бўлган қозога ҳайф, қозонинг уволига қолмай шу газетини чиқармас нима бўларди...» деб ҳайқиргим келади. Эски услубда тузилган мужмал жумлалар, сарлавҳасиданоқ одамни ўзидан узоқлаштирадиган, қочирадиган

Кечаги учрашувда амин бўлдимки, Сиз фақат республика нашрлари ё «Тошкент ҳақиқати»ни эмас, маҳаллий газеталарни ҳам синчиқлаб кузатаркансиз. Газеталардаги ҳар бир деталга алоҳида аҳамият қаратасиз, диққат билан қарайсиз. Матбуотдаги муаммоларни ипидан игнасиғача билаёпсиз. Очиғи, шу учрашувдан кейин, интернетни титиб, таржимаи ҳолинингизни қидирдим, бу киши илгари газетчи бўлмаганим, деб...

Бугунги учрашувда Сиз таклиф қилган газеталар рейтингини, журналистлар ўртасида ўтказиладиган танловлар, рағбатлантиришлар, уларни ҳар тарафлама ҳимоя қилиш, қўллаб-қувватлаш, менингча, Журналистлар ижодий уюшмаси вилоят бўлимининг вазифалари бўлиши керак.

Мурожаатлар @haqiqatonline назоратида

«ОБОД» сўзи киноями, Ё БИЗГА ШУ КИФОЯМИ?»



(Бошланиши 1-саҳифада)

ҲОКИМ БУВА, ҚАРАНГ, АҲОЛИ СИЗГА МУРОЖААТ ЙЎЛЛАДИ!

Камолбой Исмоилов: Мактабда раҳбар, маҳаллада раис бўлган вақтларимда ҳам бу масалани бир неча бор олиб чиққанмиз. Аввалги йилда ҳам қатор йигилишларда: «2019 йил «дастур»га киритилди», дейилганди, йил якунланганига эса икки ой бўлди.

«Юқоридаги»лар болалар боғчага борсин, таълим-тарбия олишда боғчанинг ўрни катта дейишади. Лекин, маҳалламизда давлатга қарашли болалар боғчаси йўқ. Баъзилар фарзандларини Нурафшонга, яна бошқалар (қурби етганлар) эса, хусусий мактабгача таълим муассасаларига беришади. Хусусий боғчалар биринунча қиммат – кимнингдир чўнтаги кўтаради, кимдирки эса йўқ!»

БУ КЎЧАГА КИРГАН ОДАМНИНГ ЧИҚИШИ ҚИЙИН...
«Янгиобод» маҳалласини «Қозоқовул» дея атаган Ҳақима опа маҳалла йўллари ёмонлигидан, йўл қат-

новидаги муаммолардан сўз очди: «Ўғлим шаҳарда ўқийди, эрта тонгда, соат 5 яримдан ўқишга йўл олади. Институтдагилар, Тошкент вилоятидаги талабаларга ётоқхона ажратмас экан... Боламнинг келишини юрак ютиб кутаман!

«Дамас» қатнови йўлга қўйилган, баъзан уларни соатлаб кутамиз. Таксилар 20-30 минг сўмдан камига кўнмайди – йўл ёмонлигини баҳона қилишади.»

Шу пайтда катта ёшли аёл ёнимизга келиб Ҳақима опага келинларча эғлиб, салом қилди. Бу маҳаллий урф-одат, катталарга ҳурмат белгиси экан.

СПОРТ ЗАЛИНИ ФАҚАТ ТЕЛЕВИЗОРДА КЎРИШГАН

Бахтигул опа Мелисимова 21-мактабда фаррош бўлиб ишлайди. Маҳаллада ичимлик сувининг кунда икки соатга берилишидан, ўқувчиларнинг оёқ кийими лой бўлиб, мактабга келишидан бир оз нолидилар:

«Тўқсонинчи йиллар шу маҳаллага келин бўлиб тушганман, мана, ҳалигача, сувдан ва йўлимиздан муаммолар бор. Мактабдаги тозалаш ишларида ботқоққа ботиб, ариқ сувидан фойдаланамиз. Қишда музлаган ариқ сувига пол ювишни тасаввур қилаверинг... Ичимлик суви кунда икки соатгагина берилади. Аҳолининг кўпчилиги уйларига қудуқ казиб олишган...»

Ҳа айтганча, мактабимиз болаларининг бир орзуси бор: телевизордаги болалар шуғулланганида ҳам бўлмаса ҳам, камтаргина бир спорт зали куриб беришса қанийди, дейишади.»

САЙЛОВ ЎТДИ — ИШ БИТДИ...МИ?

«Бойовул» маҳалласида дастлаб 2019 йилги дастур асосида қурилиш ишлари бошланган. Маҳалланинг ички кўчаларига асфальт ётқизилган. Лекин, кўчанинг

асосий қисми аянчли аҳволда. Айтишларича, мутасаддилар сайлов олдида уйқуси қочиб, «гимнрлаб» қолишгану, сайловдан кейин уйқусини топиб олишган...

Фурқат Эшонқулов ва шахсини маълум қилишни истамаган фуқаронинг фикрлари эътиборга молик: «Маҳалламизда сайлов олдида ишлар жонлангандек эди. Аммо, депутат сайланиб бўлгач, ишим битди, деганча кўринмай кетди. Таъмирлаш ишлари ҳам якунига ётмай тақа-тақ тўхтади...»

Бундан кўришиб турибдики, номзодлар рост-ёлгон ваъдалар билан «тарғибот»ни роса оборишган. Суҳбатдошларимиз депутатнинг исм-шарифини келтирмадилар. Ўзимиз ҳам бунини сўрашни лозим билмадик. Негаки, депутатларимиз ҳали янги, баҳо беришга бир оз шошмайлик...

МАЪЛУМОТ УЧУН:

Ўрта Чирчиқ тумани «Бойовул» маҳалласида 585 та хонадон бўлиб, 3 минг 121 нафар аҳоли яшайди. 2019 йилда «Обод қишлоқ» дастурига киритилган, бироқ 2019 йилда ободонлаштириш ишлари охирига етказилмади. Бундан ташқари, 2020 йилга қолмай бажарилиши керак бўлгану ижросига «қор ёққан» ишлар бор:

1. Ички ва ташқи кўчаларга тўлиқ асфальт ётқизилмади.
2. А73 автомагистралга қарашли айланма йўл таъмирланмади.
3. 100 донна симёғоч алмаштирилиши кўзда тутилгандию, 55 донна янгиланди, холос.
4. 8 км. ички йўлдан 3,5 км. қисмига асфальт ётқизилмади.
5. Аҳолининг 80 фоизи ичимлик суви билан таъминланмаган.

«CAPITAL TRUST INVEST» МЧЖ БОШЛАНҒИЧ НАРХИ БОСҚИЧМА- БОСҚИЧ ОШИБ БОРИШ ТАРТИБИДА ЎТКАЗИЛАДИГАН ОЧИҚ АУКЦИОН САВДОСИГА ТАКЛИФ ЭТАДИ!

2020 йил 24 март кунини соат 11.00 да бўлиб ўтadиган аукцион савдосига АТ «Халқ банк» Тошкент вилояти Ангрэн филиалининг 19.02.2020 йилдаги №09-07/19-сонли буюртманомна хатига асосан банк тасарруфидаги Тошкент вилояти, Ангрэн шаҳри, 5/16-дахаси, 25-уй манзилда жойлашган умумий майдони 954,62 кв.м. бўлган эски АТ «Халқ банк» Тошкент вилояти Ангрэн филиали биноси кўйилмоқда. Бошланғич баҳоси – 584 689 000 сўм.

Юқоридаги кўчмас мулк 2020 йил 24 март кунини сотилмаган тақдирда, такрорий савдолар 2020 йил 8, 23 апрель ва 8, 25 май кунлари соат 11.00 да бўлиб ўтади.

Юқоридаги кўчмас мулк билан буюртмачи ташкилот вакиллари иштирокида бевосита манзилга чиқиб танишиш мумкин. Аукцион савдосида қатнашиш истигани билдирган талабгорлар савдо ташкилотчиси билан тузиладиган закат келишув шартномасига асосан кўчмас мулк бошланғич нархининг 15 фоизидан кам бўлмаган миқдордаги закат пулини «CAPITAL TRUST INVEST» МЧЖ АТ «Халқбанк» Тошкент шаҳар филиали амалиёт бўлимидаги куйидаги ҳисоб рақамига тўлашлари лозим: 20208000100757166001. МФО: 01132. СТИР: 304 802 952.

Аукцион савдосида иштирок этувчи талабгорлардан буюртманомаларни қабул қилиш расмий иш кунларида (шанба, якшанба ва байрам кунларидан ташқари) соат 10.00 дан 16.00 гача қабул қилинади. Талабгорлардан буюртмаларни қабул қилиш савдо ўтказиладиган кундан бир иш кунини олдин соат 16.00 да тўхтатилади. Савдо голибига аукцион савдоси натижалари бўйича голиблик баённомаси имзоланган санадан бошлаб, 10 кун ичида сотувчи билан олди-сотди шартномаси имзолаш мажбурияти юклатилади.

Манзил: Тошкент шаҳри, Миробод тумани,
Истиқбол кўчаси, 34-уй.
Телефон: +998-71-236-25-53. www.capitaltrust.uz. Лицензия RR – 0298.



ШАНБА АППА ОШИНО БОЛАДАН

Ёмонлик чиқмайди

Зухриддин РАҲМОНОВ,
“Тошкент ҳақиқати” мухбири

Деворлари гир айлана ойна билан қопланган хонада бир-бирдан сулув қизлар “Муножот”га хиром айламоқда, кўшни хонада эса, фортепьяно жўрлигида икки йигит кўлида рубоб билан кўшиқ куйлаётди. Яна бир хонага мўраласангиз, ўқувчилар расм чизиш билан банд, нариги тарафдан доиралар “бака-бум”и эшитилапти...



дейди мактаб директори, халқ маорифи аълочиси Ваҳобжон Охунوف. — Дарс жадвали шундай тузилганки, болалар ўқиш ва тўғарак машғулотларига бемалол улгуришади. Мактабимизга Янгийул тумани ва шаҳридан ташқари, Чиноз, Оққўрғон, Куйи Чирчиқ, Тошкент ҳамда Зангиота туманларидан ҳам қатнаб ўқишади. Эътиборлиси, мактабимизга давлат бюджетидан маблағ ажратилиб, кўшимча бино қурилиши режалаштирилди. Бу янада кўпроқ болалар санъатга ошно бўлишади, дегани.

Дарвоқе, 2020 йил санъат мактаби учун жуда омадли келди. 7-10 январь кунлари Москва шаҳрида бўлиб ўтган халқаро танловда мактабнинг 7 нафар ўқувчиси юқори ўринларни кўлга киритиб, устозлари юзини ёруғ қилишди.

Аброр ЭСОНОВ олган суратлар



лар ва устозлар меҳнати мужассам, албатта. Ҳозирги кунда бу масканда 995 нафар ўқувчи рақс, мусиқа, амалий санъат каби 12 та йўналиш бўйича таҳсил олишмоқда. Уларга 156 нафар малакали ўқитувчи ва концертмейстерлар дарс беришади.

— Таълим масканимизда беш ташаббуснинг барча йўналишлари бўйича тўғараклар ташкил этганмиз, —

Ҳозирги кунда Бекобод туманида икки нафар Иккинчи жаҳон уруши қатнашчиси истикомат қилади. Улардан бири туманининг “Хос” маҳалласида яшаб келаётган 100 ёшли уруш ва меҳнат фахрийси Ҳоликберди ота Аллабердиевдир.



БЕКОБОДЛИК БОЙОТАЛАР



Қаҳрамонимиз 1-Украина фронтдаги жангларда иштирок этиб, ғалаба билан қайтган, узоқ йиллар халқ хизматида бўлдилар. Силалари билан 8 нафар фарзандни тарбиялаб, вояга етказишди. Ҳозирда 68 негара ва 15 эваранинг суюкли бобоси бўлиб, қарилек гаштини сурмоқдалар.

— Иккинчи жаҳон уруши ва фронт ортида жасорат кўрсатганларни халқимиз унутмайди, — дейди “Меҳнат шўхрати” ордени соҳиби Эргаш Рўзибоев. — Фахрийларимиз ҳолидан хабар олиб туриш бурчимиздир. Уларнинг фидойиликлари ёшларимиз учун ибрат мактабидир.

Султонбой ДЕҲҚОНОВ олган сурат

Осиё чемпионати атлетларимиз учун муваффақиятли ўтди

Спорт



“Ўзбекистон” спорт мажмуасида оғир атлетика бўйича ўсмирлар ва ёшлар ўртасида Осиё чемпионати якунланди, дея хабар беради Ў.А.

Ўзбекистон Жисмоний тарбия ва спорт вазирлиги, Миллий олимпия кўмитаси ҳамда Осиё оғир атлетика федерацияси томонидан ташкил этилган мусобақада қитъамизнинг 30 дан ортиқ давлатидан келган 200 нафарга яқин атлет иштирок этди. Ушбу мусобақа спортчилар учун қитъа чемпионлиги билан биргаликда Токио Олимпиадаси йўлланмалари учун қимматли рейтинг очколарини ҳам тақдим қилди.

Терма жамоамиз мусобақа якунига кўра ёшлар тоифасида ҳам йигитлар, ҳам қизлар, ўсмирлар классификациясида эса йигитлар ўртасида очколар бўйича энг яхши жамоа, дея қайд этилди. Яна бир жиҳат, турнир давомида ўсмирлар ўртасида 6 та жаҳон рекорди ўрнатилди ва янгиланди.

Ёшлар ўртасида ўтган чемпионатда йигитларимиз 3 та олтин, 6 та кумуш ва 7 та бронза медалларини кўлга киритган бўлса, қизларимиз 13 та олтин, 5 та кумуш ва 2 та бронза медалларини жамгарди. Ўсмирлар ўртасидаги ўғил болалар баҳсида полвонларимиз 7 олтин, 11 кумуш ҳамда 6 бронза медалини терма жамоамизга келтирган бўлса, ўсмир қизларимиз 9 тадан олтин ва кумуш ҳамда 3 бронза медалини термаимиз ҳисобига қўшиб қўйди.

Мухаммад СИДДИК

Наби отанинг уйи



— Бао! Етар! Ҳиқилдоғимга келди! Ё у кетади бу уйдан, ё мен! Юқори қаватдаги хонада бўлаётган бақир-чақирларни тоқчадаги гултувақларга термилганча эшитиб турган Наби ота, юзидан сизиб кетаётган бир томчи ёшни қалтироқ бармоқлари билан аста артиб қўйди. Отанинг кетиши тўғрисидаги муҳокама роса чўзилди. Жанжал бир оз тингач ота ўғлини ёнига чақириб, қариялар уйига ташлаб келишга бир амаллаб кўндирди. Бу “хушхабар”дан мамнун бўлган

наларнинг тинмай сайрашию, девор бурчагида занжирланган олапарнинг дарвоза тарафга қараб ақиллаши, фарзандларининг “бобом”лаб ҳиқиллашлари...

Бу товушларнинг ҳаммаси гўё келишиб олгандек ҳовлида ғалати шовқин пайдо қилар, аёлнинг ич-ида аллақандай бесаранжомлик уйғотар эди. Бир нимани йўқотгандек у ёқдан бу ёққа юрар, иши унмас, ҳар замон кўчага чиқиб, эрининг йўлига кўз тикарди...

Бу ёқда эса ўғил машинани жуда секин ҳайдаб, гоҳ ойнадан отасининг нуроний чехрасига, гоҳ ўзининг кўзгудаги аксига қараб, ўзи билан ўзи олишиб борарди. Ота беозоргина ухларди. Ўз уйига сизмаган, ўз уйдан ҳайдалган ота... Унинг отаси!

Ўғил дафъатан рулни ортга бурди. Машина энгил силтаниб, йўлда давом этди. Ойнадан қараб, отасининг ҳамон бир текис ухлаётганини кўрди ва “Уйга борганда уйғотаман, шунда бирдан суюниб кетадилар”, деб ўйлади. Улов елдек учиб борарди.

Уларнинг бирга қайтаётганини кўрган келининг елкасидан негадир тоғ ағдарилгандек бўлди. Эрини кўзлари намланиб қарши олди. Ўғил машинани тўхтатган заҳоти отасини уйғота бошлади. Кўп уринди. Аммо...

Наби ота аллақачон ўз уйига етиб борган эди...

Шанба сабоқлари

Онанинг кўнгли...

Ўқитувчи дарс чоғида ҳалокатга учраган кема ҳақида ўқувчиларга сўзлаб берарди...

— Кемада эр-хотин қолиб кетишди. Уларга қутқарувчилар яқинлашишди. Қутқарув қайиқчаси тўлган, биргина жой бор эди...



— Агар қайиққа иккингизни ўтқазсак, ҳаммамиз чўкиб кетамиз. Фақат битангизинигина қутқара оламиз, — дейишди улар.

Шунда эр хотинини сувга итариб юборди... Чўкаётган аёл эса эрига қараб нимадир деди.

Қани ким айтади, аёл нима деди? Болалар бирин-кетин: «Сендан нафратланаман», «Кўзим кўр бўлган экан», «Номард экансан», деган сўзларни айтишди...

Шу пайт ўқитувчининг кўзи жимгина ўтирган болага тушди.

— Сен нима деб ўйлайсан, аёл эрига нима деган?

— Боламизни эҳтиёт қилинг деган, — кўзлари намланиб жавоб қилди у.

— Сен бу воқеани биласанми? — ҳайратланиб сўради ўқитувчи.

— Йўқ. Билганим менинг ойим ҳам ўлими олдидан дадамга шундай деган эдилар...

Ўқитувчи кўзидан сизиб чиқаётган ёшни қўрсатмаслик учун юзини четга бурди...

Дарҳақиқат, оналар қабрга киргунга қадар фарзандини дуо қиларкан...

Онажонингиз борида кадрлаб, дуосини олинг...

Манба: ижтимоий тармоқ

Вакилларимиз Жиззахдан ғалаба билан қайтишди

Юртимиздаги олий таълим муассасалари талабаларини спортга кенг жалб қилиш, уларнинг спорт соҳасидаги истеъдодларини қўллаб-қувватлаш мақсадида анъанавий тарзда “Универсиада” мусобақалари ўтказиб келинади.



бўлиб ўтди. Жиззах политехника институтида ўтган уйинларда Фаргона, Хоразм, Самарқанд ва Тошкент вилояти жамоалари ўзаро голиблик учун куч синашди. Беллашувлар қизгин ва кескин курашларга бой тарзда ўтди.

Яқуний натижаларга кўра, мусобақада вилоятимиз гандболчилари рақибларини мағлубиятга учратиб, шохсупанинг биринчи поғонасига кўтарилишди.

Ўз мухбиримиз

TAFI ABC K'ORGAZMA

IV-MARKETING VA REKLAMA HAFTALIGI

ADWEEK

IV НЕДЕЛЯ МАРКЕТИНГА И РЕКЛАМЫ

iTICKET UZ

9-11 aprel

adweek.uz

97 402 28 20

TASHKILOTCHILAR

ASAKA BANK

BOSH NAMKOR

ТОШКЕНТ ҲАҚИҚАТИ
ТАШКЕНТСКАЯ ПРАВДА

Муассис:
Тошкент вилояти ҳокимлиги

Бош мухаррир
Гайрат ШЕРАЛИЕВ

Манзилимиз:
111500, Нурафшон шаҳри,
Тошкент йўли кўчаси, 90.

Тошкент шаҳридаги
офисимиз:
100000, Магбуотчилар
кўчаси, 32.

Қабулхона:
Бош мухаррир ўринбосари:
Масъул котиб:
Бўлим мухаррирлари:
Эълонлар ва ҳисоб-китоб бўлими:
Электрон почта: toshkenthqiqati@umail.uz / th-tp@inbox.ru

Телефонлар:
(71) 233-64-95, (71) 233-58-85 (факс)
(71) 233-70-10
(71) 233-90-82
(71) 233-38-23, (71) 233-48-08
(71) 233-65-59, (71) 233-54-10

Тошкент вилояти
Ахборот ва оммавий
коммуникациялар бошқармасида
2011 йил 12 январда 03-001 рақами
билан рўйхатга олинган.

Газета «Тошкент ҳақиқати» тахририяти компьютер
марказида терилди ва Тоҳир Маҳмудхўжаев
томонидан саҳифаланди.

Навбатчи мухаррир
Кумуш ЭГАМБЕРДИЕВА

Назоратчи мусоҳиҳ
Аллома АЗИЗОВА

Навбатчи
Мирзохил АБДУЛЛАЕВ